

出家道衆謹恭詳皆可達靈認故鄉攢衆精
神離苦海放開心月養和光

雲光集卷之一

卷一

十五

雲光集卷之二

卷二

至水玉陽王處一撰

詩

大定丁未十一月十三日初奉宣詔

上騰和氣徹三台下布祥雲徧九垓化出空

中清雨降道橫四海一聲雷

到滄州無棣縣新豐村皇親四官人

道卷盤桓續奉聖旨委天長觀大德

宣至十七日復委棣州七駙馬支起

發錢二百貫臨行贈衆

諸天仙眷滿室浮帶我容光西北流統攝萬

靈澄浩渺翠光撥弄紫雲頭

入天長觀

入得天長正位宮交參殿宇映重重金壇玉

壁朝元像七寶玲瓏顯聖容

朝真

香散雲霞撲太空祝延震動絳霄宮羣仙共

集煙深鎖大德清朝講正宗

入靜位

法門玄教鎖雲空四大和光靜位中門化諸

天真妙道收神明月與清風

宣詔

恭惟悚息定神光閉目祈聞聖語詳伏願天

皇萬萬歲迴心三寶結嘉祥

賜小童侍伴

天恩不斷尺宣差特賜靈童運聖儀仰謝吾

皇功德力教修道院謹修齋

賜紫登壇作醮

飛龍走虎下天來光滿金壇紫雲開八洞瑤

池空裏降昇沈天地一齊迴

戊申八月告暇還山復經滄州皇親

四官人請為黃錄濟度

恰如殘雪遇春光一切諸靈罪已亡萬物欣

榮達造化瑞雲洋溢滿宇蒼

在聖水本觀夢中得此一絕後經七

日重宣

紫府真人玉路催諸仙雲集走輕雷滿空光

顯瓊瑤象策命金書自往迴

世宗寢疾因憶特差近侍內族詣聖

水玉虛觀傳宮本乘駟馬車速來

八月中秋得暇迴洞天遊賞恣徘徊戊申臘
月重宣至駟馬輕車晝夜催

至己酉正月初三日到都世宗已於
初二日崩少主即位宣使不敢奏見
遂乃還故

先帝昇霞泣萬方洪恩厚德豈能忘公卿不
敢當今奏卻返雲蹤入故鄉

衆官負素

清康正直應仙方福注興隆壽自長一雲
收心月現實光攢聚紫芝香

黃籙滿散贈衆醮首

性靈空界別行香上祝皇恩徹萬方欣樂太
平齊設教寶華圓滿自清涼
亡者生天更不疑見存姻眷受洪禧既知真
聖垂加護莫作欺謾度歲時

隨朝衆官負素

清時一氣靜乾坤萬壽無疆祝至尊四海盡
修無上道普天俱報聖明恩

贈劉先生

萬般方術都歸假千種機關總是空唯有靈

明常不壞百年隨手一團風

贈崑崙山東華契遇二菴道衆

東華悟得謹修持契遇方能種紫芝目下不
離清淨境將來一會赴瑤池

內照

一點靈明自得知莫從外假恣驅馳住行坐
卧心無病有箇真人緊廝隨

三人同志住菴學道

三人同志叩玄關認徹無爲鍊大還功滿脫
離生死海各携雲朵赴仙山

了道後經半月空中忽現真真異

仙語靈靈報下方想知汝是馬丹陽飛神敎
披諸州難滿國欣榮坐道場

仙期

龍轉洪波去便休虎奔巖下是程頭凡人證

果神仙位行滿功成沒戀留

黃籙醮抄亡靈

透相隨處處抄靈正直無私絕愛憎孝子順
孫同薦福披亡解苦盡超昇

贈膠水孫哥

出假裡真自取磨精持無漏養神和萬怒滅
盡靈珠現穩踏祥雲上大羅

乳山巡檢丁憂告別贈之

東書一到痛悲傷千里區區返故鄉我即昌
陽當濟度不能奉送亦回惶

寧海子公處乞錢買酒得四十六

買酒乞錢四十六通流五藏潤玄谷三田滋
養妙精華般運周天萬顆玉

福山張會首告出家

脫塵仙路好追尋背境觀心絕外音業盡道
生通秘密周天開採紫芝金

示遊走道人

無限機籌總是空先天真瑞不相同本源覺
性成地廢護打輪迴一夢中

范用之索

輪迴苦海何時徹即可迴頭持猛烈愛子憐
妻屢歲華百年究苦空凄切

王六翁問學道

父母元陽謹謹留休教潑水再難收深根固
蒂無生滅暗解黃泉萬古愁

釋門張善友索二首

一點真陽混始初仙家還有世人無神光萬
象皆羅列日月飛騰大藥鑪
晨參夜禮轉金經雪白蓮花心土生更願悟
真投內補進修百行證圓成

偶題

修真暫請別雲軒無質心香噴九天光發內
靈除染滯玄功妙行滿三千

焚燒船網

救生戒殺契真修百禍消亡福法留心上化
成玄妙理自然神氣得通流

贈鄧庫官

支收諸物細區分處正無私沒一文養浩又
能通秘密始知內外總超羣

文登李公問真日用二首

聚集靈煙入玉壺銀迴鉛錫出神鑪剔開玄
道金關節大候仙丹過尾間
悟真暗把內丹燒寂寂玄風養瑞苗漸透靈
臺穿頂過了知平地上青霄

詠桃園

紅芳映日賞桃花此是人間景沒加奉勸諸

公歸物外洞天深處更堪誇

黃錄大醮破用無私

支收買賣事紛紜各體無私抱正真內外都
教忘懈怠存亡方得出沈淪

登州染韓一翁索

會染青紅皂與黃其餘雜緣壓同行不如內
鍊真顏色赫赫天光晃十方

大定癸卯季冬二十二日丹陽號質

昇霞故題

走電飛雷擊太空先天大器恣成雄妖精魔
怪隨風散獨顯圓成道德功

登州京王三翁出家贈之

不露玄機不出家出家心像塵沙本源覺
海空拋廢忘得沖和發道芽

棣州崔殿試索

玄元大道不難通橫志清剛萬法空一氣包
含天地隨了真直赴大羅宮

牛殿試施簡板求教

物物洪纖總合真都緣方寸得良因從教混

跡浮華境透體金光不染塵

田殿試索

虛闕境裏種芝田撮集精華結瑞蓮萬化內
投清淨主洞觀無礙了真仙

濱州高官人索

欲脫輪迴生死關始初一點絕迴還忘情內
鍊真三寶贏取逍遙出世閑

樂安樂鋪王二翁索

仙藥蓬壺不遠深時時內鍊水中金寶光發
散衝三界便是靈明了古今

濱州七官人病愈贈之二首

虛元元氣結成胎清淨光明轉往來會合三
田無漏泄遇真一點可迴駭

米麥精華發道芽玉堂真養紫金沙三才四
象空輪轉九載携雲蓬島誇

贈萊州李孔目

事物洪纖總必知官司堆裏縱施為前程若
到身危險悔不學他張今資今資乃唐時史人逃純陽出家

嘆世

嘆世

貪愛耽擱不歇心無真用禍須臨本來神
氣都消散虛打輪迴戰古今

鄒郎哭妻求救

深藏內秀朝仙開散靈根落土丘兩路教
君和損益了身方術細尋搜

贈于宅結怨無勸和

結成大怨如山嶽萬禍臨頭猶不覺累子害
孫坑祖先輪迴苦海爭頭角

贈福山由官人

倏忽經年二紀餘外容減之內精枯無常催
逼頭如雪悔不修完大藥鐘

萊州劉大官人索

悄悄心傳萬事休淒淒無相把根收澄澄觀
察無中有穩穩孤乘般若舟

關西董先生索

搬精載髓過關來夾眷光明萬道開灌頂醍
醐生瑞象二輪日月射瑤臺
這箇靈明不外求玉堂絕學萬神留烏光兔
靜重羅列赤鳳青鸞笑點頭

夢游仙

醉卧高空託大羅誰人會我養冲和瑤宮紫
府親曾到玉印常持勸萬魔

贈萊陽二將軍

將軍遭遇活神仙返禍成恩福慧遠更願收
神投內補本源清淨得延年

丹陽致鍊無上道

丹陽致鍊無上道東海西秦道受教復返雲
宮度歲華這迴了了全真劫

化俗

頓拋俗海慕仙風掃蕩塵緣萬法空道遇先
天清淨主如如不動自威雄

化六親

物物般般盡打迴勿思寵辱自心灰情忘愛
絕瓊花綻靈蕊光明一點開

化薊州玉田縣田先生

玉田靈寶結神胎天地光明內往來四大無
生真了了方知處處是蓬萊

贈在都修真觀大眾

固窮守道苦叮嚀觸目無私絕愛憎一切女
男如父母自然心地得澄澄

出身

三界空虛一主人脫離天地倘難倫常番萬
化欽玄德普約鯨鱓出苦津

福山姜姑問修鍊

學道猶如火鍊金真鍊出紫光深玄宮運
用身三寶一顆圓明了古今

贈李趙白三人作道伴

各悟浮華到底空三人同志積真功通誠內
論者夷趣以道相傳正祖宗

嘆人未悟

人人不悟道根基日用張羅沒盡期耗散圓
明無倚託死生災厄緊相隨

贈于公在家修行

萬般塵境任鋪張千種浮華莫論量正已存
心行大道性靈何處沒三光

贈聖水山脚

聖水周圍奉道流好於法會細搜求修成內
寶仙無老洗滌身乘般若舟

贈李講師手鑑

稟選真聖祝三光發散祥煙滿十方攝化本

源無有性虛元浩浩自馨香

會真

始青懸象在其間聚散三神一粒丹元是大
羅天上得有時相會各欣歡

詠治

二氣沈沈在混冥五光浩浩運無停剛風搖
動紅鑪熾鑄就人間萬物形

光本州黃籙濟度贈李講師

九朝法事謹宣揚供獻諸天禮十方士庶官
僚同薦福立身行道藝心香

濟南府張哥索

濟南西北樂山間陽氣昇騰合大丹何不故
鄉餐玉秀卻來我處覓芝蘭

中都張鹽副問超生死

本無衰老與來生只為塵寰染俗情惹絆精
神留苦海性靈無路得圓成

贈本觀高道人

玉洞收藏真玉髓金鑪鍊鍊紫金丹三田既
濟誰能悟五臟通明自得看

謝人寄物

公書香果已親收迴奉俱無闕拜酬有相因
緣當絕盡無形富貴好搜求

戲題鄉人多不信事

金蓮七寶我封裁充貫清朝處處開非是玉
陽無道德靈山高不重如來

因丹陽一聯續成

清淨輪開壺內境無為踏碎洞中天靈明混
合諸天大地道空無一法傳

謝于公惠炭

二氣炎涼萬物昌三秋鍛鍊去皮傍玲瓏五
色騰空起滅盡塵緣性骨剛

因別樂安空中忽有靈異響報

三界雲興聒洞天經於耳目不凡然慧人把
握玄鈞線釣出輪迴決了仙

隨姑問心王

心是諸塵大法王莫教顛倒逐飄颻自然內
外真空結卻返蓬萊認故鄉

贈濱州大妙堅

清淨仙功使不難損心物物事休干神宮運
度真三寶七返圓融換骨丹

贈無棣縣林孔目

默辯藏輝道自生內停真遇性靈靈氣神交
結還元海寂寂無形出有形

贈蒲臺徐上押

保持精秀骨中砂引虎調龍養瑞芽無相寶
瓶晶火聚沖和四大步煙霞

登州小謝在病以此寄之

汝可頻頻進飲湯滿懷貧樂絕悲傷苦緣受
盡天開眼有分徐聞仙路香

勸眾道士

寬著肚皮弘大教放開心月轉虛空任從一
點空昇降不打輪迴無有中

贈劉從真

修真劫劫劫重修累積玄功得岸舟大志衝
天無量導漸通仙路任悠悠

贈沙河道友

妙道真空塞世間俗流不認是還丹生身立
性因元氣養浩都離萬苦端

贈蒲臺劉四官人

吾官福德已清高更接雲根固濟牢海底火

行天上水虎龍交媾列仙曹

贈鹿巖山會眾

鹿巖會眾莫沈埋內照三光性燭裁真化自
生無苦厄寶華圓滿上天來

小心

幼慕清虛學軟柔無心世路問蹤由只憂生
死無門趨獨倚空山覓徹頭

遇師

慕聞高道抵山州三教通連一路搜萬法塵
情俱絕盡草衣不食契真修

投師

宿契心交見便休了真師弟勿言留玉堂同
會無生忍不露玄機笑點頭

迷懷

大道元無一法傳悟來拍手指青天性靈密

與虛空合始覺光明滿大千

化生天道恣逍遙玄谷嘉祥舞六么日用循
環清宇宙了知平地上青霄

臘月二十二日蘇憶丹陽

奔迸玄光宇宙空大丹一粒醉雲峰仙兄今

日朝元去圖畫昌陽顯異蹤

赴滄州朝元公請

黃河泛溢接諸方隨處生靈盡被傷即赴朝
元同會話急修黃籙禱穹蒼
孤心一點結知交方外清名轉轉西通關內

丹光滿後道成宗祖出天曹

功成

大丹光滿自通天守假盈軀待聖宣
外濟十方三界苦內朝無上大羅仙

寄雲中錄并此一絕獻金紫夫人

清音妙行無私曲滴水之恩難忘足密向仙
宮還紫陌姓名預備雲中錄

王妙真索

透骨懸絲道進程靜中時遇性靈靈兼修百
行無迴轉獨舞胎仙宴玉庭

太原張哥問收心

心心滅滅在心休心上光明謹謹收心性了
然同一體虛無大道自圓周

贈道衆

了心心外顯真修敢把紅塵一拂休披正本

源清淨至同乘法海大神舟

徐公告救治

昨宵來日與今朝催促輪迴福禍招不若澄
心常默默依時養種玉芝苗

贈蒲臺胡四翁

先天之道細精搜全體光明上下流錄就圓
成遭濟度便乘舟鳳入瀛洲
孝無不順上天知更熱心香透骨肌救拔陰
囚離苦厄志誠自得道扶持

莒州王哥索

一氣潛通萬化崇滿空吹散紫霞輕撲開天
地真心藥拍碎虛无道自成

仙韻琅琅出洞庭桂花香散滿空馨迴顏換
質無他事服了刀圭自有靈

勉劉三立身

人天之道立身難莫與兇邪共往還百行不
離真孝道未明如隔萬重關

贈萊州路會首

蓬島蓮宮沒託生亘初一物恣逍靈三四九
鼎光難聚七寶金容豈見形

透骨流光心月香心香流注結真祥三災五
苦隨風散百鍊沖和晝夜涼

馬大翁索

扶持內教性靈靈五色金蓮葉葉榮日用脫
離諸苦厄道茅仙福自然生

朝元公索

黑水紅雲化度真沖盈血脉益精神龍蛇蟠
繞光明聚白馬嘶鳴身外身

贈招遠三寶眷道眾

三寶騰輝出土來暗中換卻舊形骸仙風道
骨端嚴秀有分朝元步玉階

勿違國法莫欺心三寶光明自照臨認正本
來無相物一輪圓耀出瑤岑

徐公求口訣

日落西山性命枯速修速鍊下功夫灰心漸
得無衰老陰盡陽純藥一爐

夏悟真

本來面目向心開黑白金精盡點迴顛倒循
環真火候無中自覺產嬰孩

龐哥說道贈之

一團頑鏡未曾磨雪刃冰鋒講客多臭爛皮
囊呼不二腥臙臟腑作天和

濟南張悟道索

不在頻頻問玉陽大家性命自搜詳玄宮仙
藥朝元訣法海心珠了道方

外人相喙

登萊灘家謾稱揚悟達賢明在裏廂日用逸
修真大道普宣教法滿諸方

贈牟平胡村劉大翁

時時用意細看詳心友無過擇善長參透玄
關真實事立身行道免災殃

嘆趙守一業重

業通三世罪冤深急急修真小著心禍滅九
陰除外假福生十地善緣臨

周抱一問生時候

保生鍊出水中金透擲神光妙行深抱一無
離澄正覺九陽都會盡陰除

自詠
起世清閑自得着了心同達上天梯虛无靈
寶圓光現照破昏衢永不迷

教門喜事一重重法會因由漸漸通信士往
來常不斷遞相傳授演真空

宮哥索

玉鼎金鑪鍊道茅翻騰今古小仙家萬神集
向無生路異日功成蓬島誇

萊陽望石神廟戶孫大翁

市民不住送名香薦福祈恩降吉祥昔日真
仙留古跡引人登此望仙鄉

每年季春三月三日聖水聚會是日
道友請說教遂作

聖水三三聚貴豪志誠祈福不辭勞為憂生
死同參論演大因緣化一遭

李大翁年老言日前錯了修行
欲把枯根復接栽世間萬事使心灰從前邪
氣離身去無限神光入腹來

謝五六翁惠香茶

深蒙須惠好香茶同願迴光養瑞茅雷震一
聲分造化瓊漿玉液溉丹砂

三紀迴還訪故人十無八九可傷神光光水
涿重明秀道化依前日日新

寄長春丘公

身心內外結真祥香香玄科透骨涼凡聖同源真喜慶人天寬布降仙方

贈內族縣丞

功臣內族格清高無限天恩同遇遭孝道雙全人罕及他特林下訪仙曹

贈陳內奉

古今立法莫虧公念念無私演正宗澄察本來真面目不違天理道相同

福山請主醮二首

○長春高薦請書來便可奔馳免復催官吏市民同會話莫知心印有誰開吾鄉信士速相傳亂卓名公結勝緣孝子順孫同薦福新亡速化盡生天

贈宋解元

擲鈎曾釣大鯨鼉搖蕩滄海深恐清但願有緣相濟會從之無不列仙曹

勸出家小童

第一須親德行人懇懇進道勿辭辛事功奪行存終始方可通靈悟本真

福山高萬戶被差北征索

存忠竭力發威雄一揮麾關顯大功收得江山歸聖主嘉名稱讚滿寰中

贈文年新出家眾

傳報清音滿故鄉文年法會愈候張遠相弘聞真空理七寶金蓮處處香

贈關西王遇真戒乃丹陽公小仙

戒付關西王遇真好德妙理養靈根有緣靠著真師範代流傳道德恩

文登小崔欲出家二親雖許不放

○出家彼此福星臨爭奈頑愚不盡心一點俗情無斷制故違天道罪根深

本觀三清暖帳化緣

興修須假眾因緣故向人間立福田更願迴光搜密妙方知內外普周全

贈楊都目

都目精持道念深教門有分做知音添神補壽光明聚退志違余禍必臨

禪門求教二首

真禪真道發真功真善真慈真苦空真樂真

關真自在真修真鍊顯真風

真心真覺得真歡真行真功做一攢真悟真玄真了了真空真化水真安

本觀書催還鄉

他方緣厚迴程晚到處因深起發遲大抵不離弘教化此身行止任推移

中秋二首

○八月中秋晝夜涼周而復始本真常明開天地無瑕寶一氣清寧顯玉陽

秋雲消散碧天晴一顆寒光海內生照透玉壺神彩結三田流注自圓成

了真

了真波作大羅仙卻向人間普化緣搜覓銀鼈朝上帝蕩搖浮世降重宣

贈張先生饋醬

陰陽精秀發神光得法調和一味長普勸人間依此做若還食了永清涼

贈鄭先生

塵緣物物莫推窮用度千般總是空搜正本源清淨主倫然猶見自家風

丘王焦三小童頑劣以此示之

忽起狂心竟出家惡頑乖劣度年華因何恣
縱難調伏都為根源福不加

贈古縣陳公 三首

萬法皆空莫亂猜元初一點絕塵埃還同出

水青蓮奈時吐幽香遠遠來

道化三才天地人誰能達本復全真休迷陋

舍空衰老下手修完身外身

出世登真本不難萬緣無礙肚皮寬三宮運

度留年樂七寶圓成換骨丹

贈嶗山鄭先生

志堅心穩住嶗山華蓋古人曾茲鍊大丹無

限峯巒深掩映自然塵事不相干

按察使夫人因疾求教

古今生育道之常事奈人皆背此方不惜本

來清淨主色身那復得安康

述懷 十三首

大道無形生有我運行玄理出崑岡三光潑

潑流真彩一氣炎炎化玉陽

無無有有道真常寸步香花貫十方大悟靈

明滿天地住行坐卧觀三光

一點靈光空裏開空來空去沒輪迴懷包日

月通今古混沌無名任去來

浩劫容光不動移體天法道道無為自然變

鍊真三寶生育乾坤萬化垂

頓覺沖和發道芽漸凝真氣結丹砂三才四

象通顛倒方信蓬萊是我家

載般靈物體真闢把握圓明認內顏躍出元

神超造化飄然一撞過三關

無相容光內照真先天地作良因清心裏

面神明會一顆金丹出六塵

跳出輪迴造化間滿空真聖列雲端十方三

界堪遊賞隨步天光觀玉壇

認得元初一點靈無修無作了無生混同大

道真空體步步逍遙赴玉京

本源覺海聚神靈萬物同歸一化生要復本

源歸覺海無為功滿自圓成

光明積簇一神靈千葉金蓮觀足生出離十

方三界若不勞修習自圓成

悟真達本慧根通應化丹誠演苦空般若波

羅無罣碍希夷大道惹圓融

寶光圓滿欲情枯一切浮華過眼空鍊就金

丹無打算神仙何處不如如

題離州石橋

七竅玲瓏漆玉泉法橋大度我同然搬今載

古誰能悟為向人間接有緣

對月

真空境內現青霄寶鑑何曾有動搖若解憑

斯為體用方知神性本昭昭

題雲光洞 二首

昔日雲光鍊大丹丹成頃刻變童顏上祈浩

劫天元主下技輪迴生死關

日月交飛射紫霞清虛朗徹天涯明開道

眼人難識頓覺蓬萊是我家

門人轉道溫往鄉中給公據求教

金花玉蕊結神胎橫志清剛別有階金骨鍊

開真玉性化生無相不沈埋

贈福山牟城柳二翁

一點真空沒處猜箇人心上把芝我周圍種

下金蓮子自有良時道眼開

贈門人王守正

輕骨迴顏立本初清音妙行遠無餘還元一點開真性躍出神靈晃太虛

贈李志詮住白龍洞

白龍入腹化生來萬泓天光浩劫開日月昇

沈當日下坐觀依約見蓬萊

庚午年師在薊州王田縣因醮罷謂

衆曰北方面道氣將迴空中有神明往

來刀劍擊觸之象莫非生靈將受苦

邪作詩與官民為別繼乃北邊有事

○大道光明一併迴十方雲陣走星露皇天后

土垂真象世務浮華一點灰

憫世

世凡不悟道根基生化乾坤應物機會得此

般玄妙趣自然神氣達幽微

贈荅州千戶

一炷心香達上清無為妙道漸圓成高懸寶

鑑塵難昧照透前程萬劫明

虛無一氣化生來天地陰陽結秀胎浩劫真

容超造化碧空懸象絕纖埃

聖水洞南澗下澡浴請眾去垢作

大衆皆當赴浴池脫離塵垢絕昏疑各持精爽成修鍊千古如如不動移

脫垢明清出浴時人人方表沒瑕玼滌除內外身心淨一點真空步步隨

赴山前醮

苦海奔波出離難了真隨處布香壇登山涉

水無辭訴披度存亡此願寬

謝宰公惠鄆州薄荷煎丸

濯頂醍醐一粒丹滋開千古好容顏芳華鬱

暢靈明顯撞透輪迴生死關

無爭

古往今來幾變更難逃生滅契無爭無爭自

是人稀悟若悟無爭道即成

靈童

出家一片始終心徧體光明照古今漸透靈

臺衝過頂迴還妙道罕知音

玲瓏玉焰一丸丹都出心田萬化關補足仙

功通道行太平端坐赤城山

喘息沖和萬化道真空迴出有無中宜符道

德真常理都在巍巍一性宗

別登州

雲收霧卷好閑遊已入圓成又復周明有大

羅真指示便承此理別登州

贈萊州李節判有意出家

脫俗搜玄自得知亘初一默合天機吾門自

有修仙訣顯武先生依不依

證明三寶作生涯天地中和養日華蓋世功

名都絕念玄霜結就紫金砂

本州同知覓蒼木贈之

○日月流光秀結成補添肌骨漸輕清能收四

季神光聚奪得仙丹變化生

和張殿試詩

萬塵漸斷志剛刀真行真功造物鏡鍊就寶

珠超世網大羅天上恣逍遙

贈修真堂女衆

無論老幼作真修各闡清閑到岸舟光滿十

方離苦厄永居天外最風流

勸門人校量心地

心目澄澄內校量物情堆裏別真祥收神養

氣為功行塵事般般任短長

文山郭解元求藥贈之

欲覓長生換骨丹旋除塵事故心閑閑中認
得真消息脫了輪迴生死關

查山宋少翁施經作醮

修齋設教復抄靈拔罪消愆自有懺普濟亡
魂資道力盡離痛苦得超昇

空有

縹緲雲霞空復空內師天道本源宗依空又
被空漫昧從有還道有敬蒙

嘆迷惑

東來西去覓真詮自己靈明總未全萬法萬
緣如萬象須知同是一般天

贈大策楊先生

一點無生混香茫茫託胎順化養和光緣深悟
得全真理法道開宗處處香

因門人不語

百行樞機總五常不言之教滿空香潛心觀
察真玄妙默默昏理最長

憶萊陽宋二先生

鶴馭雲軒信不通幾時迴步玉虛中松窓雨
過琴書靜終日無人話本宗

勸行孝道

一心孝道順三光苦志精研滅舊殃今古昏
魔都絕盡鍊真去假覺清涼

本州醮罷贈眾道友

雅命相邀入本州醮筵預備廣圓周志誠修
累真功德同往蓬壺看十洲

密州千戶請為黃籙濟度師醮罷贈

之

清廉孝道鬼神驚上祝諸天攝萬靈聖水甘
膏同普濟沈魂滯魄出幽冥

密州官貢市戶舉請修完佑德觀

佑德興隆總不難預觀和氣已回環始終如
一功圓就有分仙階列上班

勸化大眾興修

併力齊心勿訴難興修福地會仙壇爭功奪
行蓬雲職觸目無私暗結丹

贈密州李都目

都目先生厭世塵丹誠佑德結良因其間供

養蒙周備福慶從來賜吉人

嘆人未悟

十類羣生苦海中痛嗟誰肯立仙功指迷幸
有全真理隨處修完道合同

諸王醮罷示眾

無相無為一點真普同供養大羅尊萬靈慶
悅承超度出離陰囚五苦門

示門人

透體光輝照室明一輪圓相沒虧盈方知便
是真元祖水脫沈淪應化生

密州崔道常猛烈出家贈之

捨俗投玄悟道常迎心保護內容光鍊開萬
古真靈性不謝仙花處處香

答人問三寶

古之三寶氣精神都會元田別有因光滿十
方丹就也大羅天上列仙真

大眾求教

道本無名絕外求靈臺丹谷細精搜五情六
欲都消散萬道光明顛倒流

大悟賢明事事除脫離塵網達元初三田靈

寶光圓聚一派清歌聽太虛
物情堆裏絕沈埋正覺心珠漸漸開照見本
源清淨體悟真達本應仙材
全體光明合大丹冲和返老變童顏道遠自
在真歡樂使覺昇騰碧落間

趙德靜索

德靜心清樂出家頗更凡骨養丹砂玉堂結
聚真三寶產箇靈童天外誇

贈楊殿試 二首

千古雲收朗太空先天真瑞信忽忽內靈光

散丹無漏一指清虛大道通

生生世世善根芽悟理明真度歲華功行無
虧通道德他時歸去步雲霞

宗州海陽縣張二郎出已錢物買觀

額度牒告立知觀遂令門人魏志明

充當

戒付灤州魏志明體天布德順緣行清心建
立諸方所救物哀人道自成

登州郭下小王仙在病求救 二首

心香芬馥接青霄法海通光養瑞苗若悟真

空清默然千災萬禍一齊消
玉鼎金鐘鍊日華飛騰真秀走河車萬神集
向泥丸裏撞透天門未足誇

贈萊州西海鄭村李道義

慧燈明射古容光悟理通真達上蒼今日重
重叮囑爾別開天外紫芝香

指迷

病者索

心地光明變化深盡隨緣業極升沈人人不
悟無生理謾打輪迴戰古今

人間若要識仙方休縱塵心向外狂愛念憂
愁都絕盡全身永永得安康

大安已巳七月師在北京華陽觀時

久早在城官民懇禱於師曰苗將稿
矣安得重蘇師乃閉目良久復謂眾

曰虛空許雨一尺降於來日眾未純
信翌日果驗官民致謝作此絕以示

騰騰瑞氣接蒼蒼化育羣生大道昌光變十
方常不夜一時普濟滿空香

秦和於方詔赴亳州作普天大醮
無作無爲出洞天普天法道薦良緣東方雲
海玉陽子持授皇恩第五宣

外國使謁辭不相見
只倦心拘身不安百骸上下聚成團這迴不
話人間事全體光明都內觀

贈通真散人

通真萬事喜顏紅養氣全神不落空海納百
川諸罪滅自然地獄變天宮

贈鄧先生

保惜雲霄火一團一身全德四肢安溫溫鉛
鼎神光綻萬古靈明悉併攢

贈萊陽浦裏于先生

悄悄心停福注留冥冥無相把根收澄澄悟
徹無中有穩穩孤乘般若舟

贈萊陽高姑

心是善提大法王莫成顛倒遂破忙自然一
點靈空結卻返蓬萊入故鄉

贈李都監

倦隨塵俗恣矜驕一志清剛別立標內蘊靈

先含慶悅功成天外永逍遙

謝人惠李果

大道元和莫損傷萬靈真秀競芬芳自然滋
益精神列百味玲瓏透骨香

贈贛榆縣徐福店酒監

不捨塵情去又來救亡救苦免凶災化緣濟
度開心月四序金蓮火裏栽

贈陳守元

青鸞赤鳳火雲飛集向玄宮飲玉池奪得陰
陽真造化方知脫了死生危

棣州張姑求教

生大道自然香有真師細校量路上通仙信
息灰方得性舒長

喚高菴主

傳要談道懷包覺心田真過遭日化公休隱
跡登雲步轉清高

人空裏裏真搜把靈煙玉露收喜神丹俱內
結系不斷道圓周

贈關西老馬先生

公切切認子交母恩深萬古牢絆馬牽離苦

海恬浪淨連風騷

登州姜權問心地

地光明變化深窮內鍊水中金鉛玉汞真三
寶滿朝元因了心

鞠四翁問傳授口訣

然妙理不能傳化人間外結緣福合和真大
道生光滿大羅天

又問初會修真若何

友初知大道源流神彩結芝田圓畫是三光
秀氣燒丹浹了仙

雲光集卷之二

雲光集卷之三

聖水玉陽玉處一撰

詩

贈李局令

立德崇三寶修真括萬方化生真水火攢聚
內容光混沌明交泰塵凡任短長他時功行
足歸去赴仙鄉

搜玄立功

四海搜真趣三山擇妙玄稟持心解悟和合
道因緣浩浩升仙職明明出洞天玉虛通一
化隨步結金蓮

玄通

人事都除盡修真實一陽運行常道德變現
舊嘉祥性月輝三界神珠耀八方妙玄通正
覺浩劫噴天香

太上出現像回奉陽信縣道士李仲

達兼請往中都

功德迴將去李公早來道息無斷絕仙位
穩栽培法性通天悟玄光拂日開闡弘真大
教處處是蓬萊